

31 Julie 2015



**1. DIE EREDIENSBYWONER-OPNAME - 'N 2DE GELEENTHEID:** Prof Kobus Schoeman van die Universiteit van die Vrystaat, onder wie se leiding Navorsing in die NG Kerk gedoen word, het versoek dat alle gemeentes asseblief dringend hieraan aandag moet skenk. Goeie en betroubare inligting help gemeentes om hulle eie posisies beter te evalueer en na te dink oor die gemeente se taak en roeping. 'n Stem wat dikwels nie duidelik gehoor word nie, is die van die lidmate van 'n gemeente. Klik [hier](#) om verder oor die erediensbywoner-opname te lees, asook oor 'n tweede opname-geleentheid wat gedurende Augustus en September 2015 gaan plaasvind.

**2. NG KERK VRYSTAAT - BEURSE EN LENINGS:** Die Sinodale Kerkkantoor ken jaarlikse beurse en lenings toe aan voltydse teologiese, sowel as nie-teologiese studente. **Aansoekvorms** vir beurse en lenings ten opsigte van die **2016 studiejaar**, is reeds by hierdie kantoor beskikbaar. **Die sluitingsdatum vir die aansoeke is 31 Augustus 2015.** Vir verdere navrae in dié verband, kontak gerus vir Tertius of Christelle by 051 406 6700, of stuur 'n e-pos aan [studente@ngkvs.co.za](mailto:studente@ngkvs.co.za). **NB – hierdie beurse en lenings word slegs aan studente (nie-teologies) toegestaan wat aan 'n Vrystaatse instansie studeer en wie se ouers in die Vrystaat woonagtig is, asook teologiese studente wat aan die Universiteit van die Vrystaat studeer. Voorwaardes geld.**



**3. NB! KENNISGEWING:** Neem asseblief kennis dat die Skriba, Moderamen van die NG Kerk Vrystaat, dr Carin van Schalkwyk, tans met verlof in die buiteland is. Enige dringende navrae kan aan die voorsitter, ds Helgard Janse van Rensburg gerig word by [helgardjvrensborg@vodamail.co.za](mailto:helgardjvrensborg@vodamail.co.za). Neem ook kennis dat Thea vanaf 31 Julie tot 18 Augustus 2015 met jaarlikse verlof is – die *Vrypos* sal wel gedurende hierdie tyd verskyn, stuur steeds alle berigginge aan [kerkinfo@ngkvs.co.za](mailto:kerkinfo@ngkvs.co.za)

**4. GEMEENTES BIED AAN:**

**NG GEMEENTE DEALESVILLE:** *Sonja Kerholdt*



'n Damestee word op **Saterdag 5 September 2015 om 10:00** in die kersaal van die gemeente aangebied, teen R100pp – vir navrae/besprekings, kontak vir Annamarie @ 051 811 0019

Kyk ook asseblief weer by **Herhalings, pt 11**, hier word al die gebeure in verskeie ander gemeentes wat reeds hier verskyn het, weer herhaal.

- 5. SEKRETARESSDAG:** Kom bederf jou sekretaresse/skriba/assistent op **Woensdag 2 September 2015!** Dié geleentheid vind vanaf **07:30 vir 08:00** by *The Terrace* – Oliewenhuis (Bloemfontein) plaas en die spreker is die bekende Igno van Niekerk (fotograaf en motiveringspreker). Die koste is R350pp en elke kaartjie sluit 'n heerlike ontbyt, 'n geskenkbewys van R120, sowel as 'n geskenk ter waarde van R50 in! Hierdie spesiale geleentheid word deur EBB (Eenheid vir Bedieningsbegeleiding Netwerk) van die Sinodale Kantoor, aangebied.



Julle moet spring, daar is slegs 'n **beperkte aantal kaartjies beskikbaar** – besprekings kan by Joanie Theron, 051 406 6732 (k) of [gemeentes@ngkvs.co.za](mailto:gemeentes@ngkvs.co.za) gedoen word. **INBETALINGS:** NG KERK OVS - ABSA Rek 470 000 406 - Takkode 334-134 **NB! Verwysing:** EBB+sekretaresse/skriba/asst se naam en stuur asseblief **BEWYS VAN BETALING** na [gemeentes@ngkvs.co.za](mailto:gemeentes@ngkvs.co.za) met jou besonderhede en die nodige kontaknommers.

- 6. KERKALENDER – VAKANSIE, KERKLIKE FEES- EN BIDDAE & SKOOLKALENDER 2016:** Vir diegene wat reeds begin beplan aan 2016, klik [hier](#) vir dié kalenders.



- 7. KURSUSSE/KONFERENSIE:**

**KURSUS - BOU BETER VERHOUDINGE IN DIE HUWELIK:** Alle getroude pare en voornemende huwelikspartjies word hiermee uitgenooi om te kom deel wees van 'n prettige, interaktiewe werksessie spesifiek ontwerp vir paartjies, waar hulle sal ontdek hoe hul verskillende persoonlikheidstipes hul verhouding beïnvloed en hoe hulle dit optimaal kan aanwend. Die kursus behels 'n aanlyn-persoonlikheidstoets gevolg deur 'n 3-uur-werksessie op **Dinsdag 11 Augustus 2015 om 19:00 by die NG Gemeente Fichardtpark** (Altonasingel 16) en beloop R350 per persoon. Vir meer inligting, kontak vir Hanneke by 084 779 8666, of stuur 'n e-pos aan [hannekebarlow@gmail.com](mailto:hannekebarlow@gmail.com)



**KONFERENSIE VIR DIE BEVORDERING VAN MISSIONALE DIAKONAAT IN AFRIKA – DIACAFRIC:** Die Hugenote Kollege, in samewerking met die NG Wes-en-Suid-Kaapland en Kerklike Maatskaplike Diensteraad nooi belangstellendes na 'n konferensie vir die bevordering van missionale diakonaat in Afrika (DiacAfric). Dit **vind op 7 en 8 September 2015** by die Hugenote Kollege in Wellington plaas. Die konferensie sal reflekteer oor 'n eeu van diakonaat in die NG Kerk en vooruitkyk na die toekoms daarvan. Klik [hier](#) vir meer inligting en ook [hier](#) vir die inskrywingsvorm.

**KURSUS BY NG VRYBURG-NOORD - THE WORLD NEEDS A FATHER: Gesinsverval:** dié grootste enkele probleem in die wêreld! Daaroor is humanitêre en welsynsinstanties wêreldwyd dit eens en in die kern van hierdie probleem lê die pa's. In Suid Afrika word soveel as 48,5% van kinders groot sonder 'n pa in die huis. **Daarom: The World Needs A Father.** Op treffende en praktiese wyse kom rus Cassie Carstens vaders toe om goeie leiding te gee aan hulle gesinne. **Die vier belangrike verantwoordelikhede van 'n pa is:**

- Vestiging van identiteit
- Emosionele sekuriteit van liefde en beskerming
- Affirmasie
- Morele outoriteit (waardes)

**Vanaf 17 - 19 September 2015**, bied Cassie Carstens die *Master Trainer-kursus* aan te Vryburg-Noord Gemeente in Vryburg, Noord-Kaap. Daar word *Master Trainers* opgelei om *trainers* op te lei om vaders toe te rus. Enige dominee en mense met 'n passie vir die saak is baie welkom om dit by te woon.

**Koste:** R500 per persoon

**Verblyf** vir eie koste - gastehuse met billike tariewe beskikbaar


**VBO-punte** vir NG leraars

**Kontak** asseblief vir ds Pieter Theron @ 053 927 4112


- 8. MISSIE JAPAN NUUSFLITS:** Klik [hier](#) vir die Augustus-uitgawe.

- 9. NUWE PUBLIKASIES:**

**SCAZZERO - EMOSIONEEL-GESONDE LEIERS:** Peter Scazzero is bekend vir sy werk rondom emosionele gesondheid. Heelwat van predikante-versorging word op sy werk gebaseer. 'n Nuwe boek uit sy pen, *The Emotionally Healthy Leader*, belooft om vir baie gemeenteleiers seën in te hou – klik [hier](#) vir meer besonderhede.



**THE EQUALITY OF BELIEVERS – 'N BELANGRIKE HISTORIESE BLIK OP SA-GESKIEDENIS:** Sedert die begin van die 19de eeu tot en met 1960, was Protestantse sendelinge die belangrike tussengangers tussen SA se regerende blanke bevolking en die swart bevolking. In sy boek, *The Equality of Believers: Protestant Missionaries and the Racial Politics of South Africa*, vertel die bekende historikus, Richard Elphick die sleutelrol wat hierdie sendelinge gespeel het om Suid-Afrika se geskiedenis te beïnvloed. Dié boek word hoog aangeslaan deur groot name.



**Prof John de Gruchy skryf:** *The Equality of Believers is an original and substantial contribution to the study of the history of Christian missions in Southern Africa. Elphick has accumulated, assembled, and analyzed a mass of data with considerable insight and conviction. He is not only at home in the historical detail but also with the theological and cultural issues that are central to the discussion. The scholarship is impressive and the outcome is persuasive, and the book is undoubtedly the most important contribution to the debate to date.*

**Prof Herman Giliomee skryf ook:** *Richard Elphick's book tells the engrossing and very tragic tale of how the missions policy of the Afrikaans churches led them to sacrifice their most precious possession, their faith, on the altar of Afrikaner political survival through its instrument, apartheid.*

Klik [hier](#) vir meer oor hierdie boek.

## 10. VAKATURES:

- **VAKATURE MEDELERAAR - NG KERK ALIWAL-NOORD:** Hierdie gemeente beskik oor 'n vakante pos vir 'n voltydse medeleraar. Klik [hier](#) vir meer inligting, **sluitingsdatum vir aansoeke is Vrydag 14 Augustus 2015.**
- By **herhalings, pt 11** is daar inligting oor ander vakante poste wat reeds hier geadverteer is –  **twee van die vakatures se sluitingsdatum vir aansoeke is komende Vrydag, die 31ste!**
- Vir die amptelike bekendmaking van **vakatures vir predikante** deur *Kerkbode*, gaan na [www.kerkbode.co.za](http://www.kerkbode.co.za) – klik dan op [Meer - Vakatures](#).

**11. NB! HERHALINGS VAN BERIGTE:** Kennisgewings en inligting wat in 'n vorige uitgawe van *Vrypos* verskyn het, word [hier](#) vir jou gerief herhaal.

**12. VERJAARSDAE:** Baie geluk aan die leraar wat gedurende die komende week, sy verjaarsdag vier – mag die nuwe lewensjaar vol vreugde, genade en liefde wees:



31 Julie:

Ds Stephan van Heerden - BLOEMFONTEIN-NOORD - 051 436 4412, 082 578 7840, [steso@telkomsa.net](mailto:steso@telkomsa.net)

## 13. TEN SLOTTE:

Op 'n muur by 'n padstal, staan die versie:  
Pampoen moenie Komkommer  
nie en sing 'n Litchi vir ons Heer!  
Jy is Sy Uie kind, Sy oog-Appel!  
Laat jou Kersie vir Hom brand,  
want so by my Kool,  
Ons Heer sal jou op-Raap en  
jou bewaar, al is jou naam Pieter of  
Sielie!  
Hy sal nooit Rissie, in Sy arms  
het Hy jou Beet, met Sy liefde be-  
Aarbei Hy jou!  
Is jy soms harde  
Koejawel, sal Hy jou nie uit Sy hart  
Skorsie. Daar is jy vir altyd inge-  
Wortel!

Groetnis...

## THEA BOSMAN

Samesteller/Redaksioneel: [kerkinfo@ngkvs.co.za](mailto:kerkinfo@ngkvs.co.za)

Kommunikasie - NG Kerk Vrystaat

Tel: 051 406 6719

Faks: 086 502 0821

**INDIEN U OP VRYPOS WIL INTEKEN, KLIK [hier](#) (meld asseblief ook u gemeente/dorp)**

**AS U VRYPOS WIL KANSELLEER, KLIK [hier](#) (dit sal 'n fout wees!)**

Gee gerus vir ons terugvoer oor *Vrypos* by [kerkinfo@ngkvs.co.za](mailto:kerkinfo@ngkvs.co.za) – stuur ook enige nuusgebeure, ensovoorts na hierdie adres.

**VRYWARING / DISCLAIMER – Klik [hier](#)**

**DIE EREDIENSBYWONER-OPNAME - 'N 2DE GELEENTHEID:** Lidmate se verstaan van en houding teenoor die gemeente vorm 'n belangrike deel van die gemeente se funksionering. Die erediensbywoneropname is 'n opname onder lidmate en kan help om gewone lidmate hoorbaar te maak. Soortgelyke opnames is in 2006 en 2010, as deel van 'n steekproef, onder gemeentes gedoen (die Kruisgewys Junie 2013 (13/2) bevat 'n verslag van die 2010 opname). Dit vorm deel van die "National Church Life Survey" (NCLS) wat in Australië en die VSA ontwikkel is.

Die opname word tydens 'n erediens onder almal ouer as 15 jaar wat die bepaalde Sondag in 'n erediens is, gedoen. 'n Leemte met die vorige twee opnames was die terugvoer wat aan gemeentes gegee is. Die 2014-opname sluit by die NCLS aan en maak gebruik van die verslae wat deur hulle ontwikkel is. (Vir meer besonderhede en voorbeelde van die verslae besoek: <http://gemeentes.co.za/vennote/kerkspeel/234-pilot-project-south-african-church-life-survey>. Onthou om te registreer om dit te sien - dit is gratis). Die terugvoer bestaan uit 'n unieke verslag, wat aan elke deelnemende gemeente gelewer word, die "Church Life Profile". Dit is 'n eenvoudige verslag met grafiese voorstellings en vergelyking wat aan elke gemeente haar eie profiel verduidelik.

Die eerste rondte van hierdie opname is gedurende Augustus 2014 suksesvol afgehandel. Die terugvoer oor die opname was so positief dat 'n tweede geleentheid aan gemeentes gegee word om aan die opname deel te neem. Die gemeentes ontvang die "Church Life Pack" wat die individuele verslag van die gemeente insluit. Hulle ontvang ook die boek "Enriching church life. A guide to results from NCLS for local churches" (vir voorbeelde, besoek gerus die bogenoemde webwerf).

Die koste:

- |   |       |
|---|-------|
| • Klein gemeentes (tot 600 lidmate)           | R2000 |
| • Middelslag gemeentes (601 tot 1200 lidmate) | R2500 |
| • Groot gemeentes (meer 1200 lidmate)         | R3000 |

**Die 2de geleentheid vir opname is gedurende Augustus en September 2015.** Gemeentes behoort hulle terugvoer voor die **einde van November 2015** te ontvang. Gemeentes wat belangstel kan Ester Steyn kontak @ 012 342 0092 of stuur e-pos na [kerkspeel@ngkerk.org.za](mailto:kerkspeel@ngkerk.org.za)

## TERUG NA INHOUD

### HERHALINGS:

#### INHOUD:

##### 1. ALGEMEEN:

- **SKITTERVROU - EERSTE NASIONALE VROUEKONFERENSIE IN DIE VRYSTAAT: Vanaf 25 – 26 September 2015** vind hierdie heerlike geleentheid, spesiaal vir al ons vrouelidmate regoor die land en ook Namibië, by die Bloemfontein Baptiste Kerk plaas. Die tema is, **Koningin Ester... jou tyd is nou** (Ester 4:14) en bekende sprekers soos prof Stéphan Joubert, Lindie Strydom, asook Liesel Krause-Wiid tree by dié geleentheid op. Die koste beloop R250.00pp en meer inligting is ook beskikbaar op die

Facebook-blad: **Skitter Vroue** (<https://www.facebook.com/skittervroue?fref=ts>) – skakel ook vir Anso Steyn @ 082 773 2612. Verblyf is by die Oranje Meisieskool se koshuise @ R170pp, ontbyt ingesluit beskikbaar, kontak vir Beneli Pretorius @ 082 648 0653 – klik [hier](#) vir die voorlopige program.

- **PROPONENT BESKIKBAAR VIR AFLOS:** Proponent Chris van der Linde is beskikbaar vir aflospreke – kontak hom @ 072 668 9982.
- **SENSUS 2015:** Indien u sou belangstel om in die area waar u woon, behulpsaam te wees met die invul van vraelyste by huishoudings teen vergoeding, kan u vir Hennie Venter van Statistiek SA by 076 420 4116 skakel – **sluitingsdatum is Vrydag 31 Julie 2015.**

## 2. GEMEENTES BIED AAN:

- **WILDSFEES - NG BEDELIA:** Sien program en klik ook [hier](#) vir 'n inligtingsbiljet oor die geleentheid wat **vanaf 26 Julie tot 15 Augustus 2015** strek:
  - **SONDAG 2 AUGUSTUS** is daar na die ere diens 'n heerlike outydse "Pie & Gravy" @ R40.
  - **VRYDAG 14 AUGUSTUS VANAF 12:00 om 18:00** vind 'n Middagmark plaas – heerlike eetgoed sal te koop wees.
  - **VRYDAGAAND 14 AUGUSTUS OM 19:00** 'n Kuieraand met Sop & Sjerrie @R50 en jy staan ook 'n kans om 'n springbok te wen.
  - **SATERDAGAAND 15 AUGUSTUS OM 18:00** begin die Wildsfeeskuier in die losies @ R150 per persoon. Kom deel in hierdie fees en kuier heerlik saam om die vure!

Vir enige navrae, kontak gerus die kerkkantoor by 057 352 2340.

- **NG VIRGINIA VIER 10 JAAR VAN GENADE:** Gedurende 2005 het die Moedergemeente en NG Virginia-Oos een gemeente geword en word hierdie geleentheid met verskeie geleenthede gevier):
  - **VRYDAG 31 JULIE:** 'n Musiekaand by kerslig met orrel, klavier, viole en koorsang. Na afloop hiervan, word sop, brood, wyn en biltong geniet.
  - **SATERDAG 5 SEPTEMBER:** 'n Ma & dogter/vroue-lentetee met Izak Davel.
  - **SONDAG 6 SEPTEMBER:** 'n Genade-lofprysingsdiens met Deon & Alex van Bloemfontein.
  - **VRYDAG 23 OKTOBER:** 'n Skemerkelkie met Frank Opperman as ds Tienie Benade.
  - Die Feesjaar word op **SONDAG 29 NOVEMBER** afgesluit met 'n dankseggingsnagmaal en gemeentefunksie.
  - **FEESUITGAWE RESEPTEBOEK:** Die 1ste-druk A5 Resepteboeke is reeds uitverkoop – 'n A4 ringgebinde hersiene feesuitgawe met 510 oorspronklike resepte en 10 spyskaarte met 90 nuwe resepte, is nou beskikbaar @ R150 (pos en verpakking uitgesluit – gratis aflewering in Virginia-omgewing).



Oudlidmate en- leraars van dié gemeente, asook van die oud-gemeente Virginia-Oos, word na hierdie geleenthede uitgenooi. Vir meer navrae hieroor, kontak die skriba, Rika Haasbroek @ 057 212 5524 (k), of vir ds Kobus Vermeulen @ 082 372 6246 / 057 212 9378.

- **NG NOORDHOEK MARK:** Die **NG Gemeente Noordhoek** bied **elke eerste Saterdag van die maand** hierdie mark by hul kerkgebou (geleë te David Fouriestraat, Noordhoek) aan, dus is die volgende mark op **Saterdag 1 Augustus 2015 vanaf 08:00 tot 15:00**. Dit verskil so 'n bietjie van ander markte en die *Noordhoek Mark* wil bydra tot die *ekonomiese bemagtiging van die gemeenskap* in die noorde van die stad. Daar is twee komponente: enigeen kan **tweedehandse artikels** wat stof by die huis vergader, van die hand kom sit en elkeen wat sy inkomste wil aanvul, kan 'n **stalletjie** kom opslaan. Enige navrae kan aan ds Zachie le Roux gerig word by 083 799 5911.



- **NG PELLISSIER:** Hierdie gemeente se **Kosmandjie Ondersteuningsgroep** bied op **Saterdag 1 Augustus 2015 om 13:30** 'n Bergfietswedren by Brandkop te Bloemwater in Pellissier aan. Vir inskrywings, besoek die webblad, [www.fscycling.co.za](http://www.fscycling.co.za) en vir enige navrae, kontak vir Pieter Herbst @ 082 824 0149.
- **NG HUGENOOT:** Dié gemeente bied op **Donderdag 13 Augustus 2015 om 18:30** in hul kerkgebou te

Bayswater, 'n werkswinkel aan vir getroudes, verloofdes of enige persoon wat in 'n verhouding staan. Die werkswinkel se tema is, **50 Shades of Relationships** en dit sal handel oor emosionele verhoudings, seks, pornografie, asook tyd vir jou maat. Daar word ook tydens hierdie geleentheid 'n kabaretopvoering aangebied – bespreek by 051 436 2659 (k), beperkte plek beskikbaar.

• **NG STEYNSRUS BIED DIE VOLGENDE OPWINDENDE GELEENTHEID AAN:**



**Riverside Challenge 2015**

**DATUM - 15 AUGUSTUS**

**WAAR - RIVERSIDE 4X4 STEYNSRUS**  
S27.56.531 E27.41.301

**AKTIWITEITE**

**4X4 CHALLENGE**

**CROSS COUNTRY RUNNING**  
(Landloop)

**QUAD BAAN**

**BERGFIETS BAAN**

**BAIE TE EET EN DRINK**

**R250 - PER VOERTUIG**  
(Declinerende 4x4 voertuig)

**R50 - PER MOTORFIETS**  
(Quads en motorfiets)

**R50 - PER TOESKOUER/ DAGBESOEKER**

**R50 - PER HARDLOPER**

**R50 - PER BERGFIETS**

**NAVRAE - THINUSCROUS 082 573 4836**

**3. KURSUSSE/KONFERENSIE/WERKSWINKELS:**

- **PAIDION KINDERBEDIENING SE EERSTE VRYSTAAT-KONFERENSIE:** Weens 'n gewaardeerde borgskap uit die NG Kerk Hospitaalpark, bied Paidion Kinderbediening sy eerste kinderbedieningkonferensie in die Vrystaat aan **op 15 Augustus 2015, GRATIS by die NG Kerk Hospitaalpark, Bloemfontein.** Die Inligtings- en Inskrywingsbrochure is op Paidion Kinderbediening se webblad by [www.paidionweb.co.za](http://www.paidionweb.co.za) onder die rubriek *Konferensies* verkrygbaar. **Hierdie konferensie kan ouers, onderwysers, kategesekole en gemeentes verander! Leraars verdien voorts 5 x VBO-punte.** Die temas is:



- Opspraakwekkende navorsing oor en implikasies vir die geloofsvorming van die kind (onder andere oor die rol van die media, skool en ouers in hulle kinders se geloofsvorming);
- Opspraakwekkende navorsing oor en implikasies vir gemeentegroei deur kinderbediening;
- Vertoon, verduideliking en demonstrasie van kinderkerk-/ kategesemateriaal; en
- inligting oor die eenjarige Paidion Kinderbediening Sertifikaatkursus.

- **KAIROS KURSUS:** Hierdie kursus is 'n nege-sessie interaktiewe kursus oor wêreldsending. Dit rus lidmate toe en daag hulle uit tot betekenisvolle betrokkenheid in God se sending in die wêreld:

**Datum:** 16 tot 23 Augustus 2015  
**Koste:** R350pp  
**Venue:** NG Gemeente Bethlehem-Oos  
**Kontak:** Ds André Koenig @ 082 780 4021  
**Sluitingsdatum vir inskrywings:** **Donderdag 13 Augustus 2015**

**PROGRAMTYE:**  
 So 16 Augustus: 14:00 – 21:00  
 Ma 17 Augustus: 18:00 – 21:00  
 Wo 19 Augustus: 18:00 – 21:00

Do 20 Augustus: 18:00 – 21:00  
Vr 21 Augustus: 18:00 – 21:00  
Sa 22 Augustus: 08:00 – 16:00  
So 23 Augustus: 12:00 – 15:00

- **BRUGBEDIENINGSKURSUS:** Die Sentrum vir Kontekstuele Bediening bied hierdie jaar die volledige Brugbedieningskursus in twee blokke in Bloemfontein aan:

**Datum - Week 1:** 17 tot 19 Augustus 2015

**Datum - Week 2:** 9 tot 13 November 2015

**Plek:** NG Kerk Vrystaat Sinodale Sentrum (Van Heerdenweg 20, Wilgehof, Bloemfontein)

**Aanbieders:** Malan Nel, Howard du Toit, Johan van Loggerenberg en Kobus Schoeman

**Koste:** R 3 000pp (sluit kursumateriaal en ligte middagete's in)

**Verblyf:** Gratis verblyf kan op vroegetydige versoek gereël word

**Sluitingsdatum:** **Vrydag 31 Julie 2015**

**Betaling:** NG Kerk OVS, ABSA Tjek 470 000 406

**NB! Verwysing:** Brug+Voorletters&Van

**NB! Faks asseblief bewys van betaling aan 086 502 0818**

**Kontakbesonderhede:** Belangstellendes kan vir Joanie by 051 406 6732 (k), of per e-pos kontak by [gemeentes@ngkvs.co.za](mailto:gemeentes@ngkvs.co.za)

- **KURSUS: EEN BYBEL – BAIE MENINGS. HOEKOM VERSKIL ONS SO BAIE VAN MEKAAR?**

**Datum:** Donderdag 3 September 2015

**Plek:** NG Kerk Sasolburg - Vier Ankers (Felixstowestraat 1, Sasolburg)

**Koste:** R200pp

**PROGRAM:**

**09:30** Opening - Manie Kleynhans

**09:45** Een Bybel – baie menings (Sessie 1) - Francois Tolmie

**10:45** Verversings

**11:00** Een Bybel – baie menings (Sessie 2) - Francois Tolmie

**12:00** Geld-slim - Eben Smith

**13:00** Afsluiting

**Registreer asseblief deur teen Vrydag 28 Augustus 2015 u inbetaling te doen by:**

**Rek naam:** NG Kerk Sasolburg -Vier Ankers

**Bank:** ABSA Sasolburg

**Rek nr:** 405 114 9247

**NB - Verwysing:** Leraars+Voorletters+Van (**stuur bewys van betaling per faks na 016 971 3060 / 976 7501, of per e-pos aan [izelsu@mweb.co.za](mailto:izelsu@mweb.co.za) / [vierankers@absamail.co.za](mailto:vierankers@absamail.co.za)**)

**Navrae:** Dr Manie Kleynhans, sel 082 895 8286, e-pos [izelsu@mweb.co.za](mailto:izelsu@mweb.co.za)

- **KURSUS IN SPIRITUELE BEGELEIDING:** Hierdie kursus word deur die Ring van Suidoos-Pretoria aangebied en begin op **15 Januarie 2015**. Dit is 'n 18-maande kursus en word in sewe blokke van drie dae aangebied. **Aansoeke sluit op Sondag 13 September 2015** en keuring word indien moontlik, op die skriftelike voorleggings gedoen met behulp van referente en onderhoude waar nodig. Die eerste 25 aansoeke word aanvaar en daaruit word 13 gekeur. Meer inligting en navrae kan aan [wnicol@mweb.co.za](mailto:wnicol@mweb.co.za) gerig word.



#### 4. VAKATURES:

- **LERAAR (VASTETERMYN, KONTRAK):** Die NG Gemeente Petrus Steyn beskik oor hierdie vakature - die termyn van die pos is drie jaar met die opsie om dit met twee jaar te verleng, klik [hier](#) vir meer besonderhede. **Die sluitingsdatum vir aansoeke is 31 Julie 2015.**
- **TENTMAKERSPOS – NG GEMEENTE VERKEERDEVLEI:** Aansoeke word tans ingewag vir hierdie pos. Klik [hier](#) vir meer besonderhede – **sluitingsdatum vir aansoeke is Vrydag 31 Julie 2015.**
- **MEDELERAAR – NG GEMEENTE PELLISSIER:** Hierdie vakature is onlangs bekend gestel – klik [hier](#) vir meer besonderhede – **sluitingsdatum vir aansoeke is Vrydag 4 September 2015.**

[TERUG NA INHOUD](#)

## SKITTERVROU - EERSTE NASIONALE VROUEKONFERENSIE IN DIE VRYSTAAT:



### VOORLOPIGE PROGRAM:

#### Vrydag 25 September 2015:

- 15:00 – 16:00 - Registrasie (Koffie/tee met verversings)  
16:00 - Opening en verwelkoming  
**JUBELANG**  
16:30 – 18:00 - Stéphan Joubert (*Welkom Koningin Ester welkom!* - open met Nagmaal)  
18:00 – 18:30 - Aandete  
**JUBELANG**  
18:30 – 20:00 - Prof Stéphan Joubert  
**JUBELANG**

#### Verdaag vir 'n goeie nagrus

#### Saterdag 26 September 2015:

- 07:00 – 08:00 - Tee/koffie/sap  
08:00 – 08:15 - **JUBELANG**  
08:15 – 09:30 - Liesel Krause Wiid  
09:30 – 10:15 - **TEE/KOFFIE**  
10:15 – 11:30 - Prof Stéphan Joubert  
11:30 – 12:00 - **JUBELANG**  
12:00 – 13:00 - Lindie Strydom  
13:00 – 14:00 - **MIDDAGETE**  
14:00 – 15:30 - Lindie Strydom  
16:00 – 16:30 - **TEE / JUBELANG**

*Sluit af met Liesel Krause Wiid en Lindie Strydom - dames vertrek teen 17:30*

## TERUG NA INHOUD

### VAKATURE – LERAAR (VASTETERMYN, KONTRAK), NG PETRUS STEYN:

Die termyn van die pos is drie jaar met die opsie om dit met twee jaar te verleng:

- Gemeenteprofiel:** Die NG Gemeente Petrus Steyn is 'n plattelandse gemeente in die Oos-Vrystaat, sowat 90 km van Bethlehem, asook 90 km vanaf Sasolburg. Die gemeente het 297 belydende lidmate en 45 dooplidmate wat 'n bejaardesorgsentrum met +-60 inwoners insluit.
- Leraarsprofiel:** Hulle is op soek na 'n dinamiese en Geesvervulde leraar wat:
  - 'n toegewyde gelowige is wat die Here liefhet en dien;
  - geroepe is vir bediening in 'n plattelandse gemeente en hoë waarde aan huisbesoek heg;
  - oor leierseienskappe beskik met goeie menseverhoudings wat na lidmate op alle sosiale vlakke en ouderdomme kan uitreik;
  - verdere pligte soos omskryf in Art 9 van die Kerkorde kan verrig en,
  - 'n gelegetimeerde leraar van die NG Kerk is.



### 3. Vergoeding:

- a) 'n Vergoedingspakket sal volgens sinodaleskaal onderhandel word.
- b) Huisvesting is beskikbaar.

### 4. Aansoeke:

- a) Aansoeke moet vergesel word van 'n CV, bestaande uit drie bladsye met verwysings.
- b) Kandidate moet beskikbaar wees vir 'n onderhoud en 'n moontlike preekbeurt.
- c) Aansoeke kan ge-pos word na NG Kerk Petrus Steyn, Posbus 117, Petrus Steyn 9640, of stuur per e-pos na [ngpetrussteyn@gmail.com](mailto:ngpetrussteyn@gmail.com), of faks na 058 871 3260.
- d) Verdere navrae kan gerig word aan ouderling Ben Cronjé, sel 078 701 8387, of die Konsulent, ds Marius Barnard, sel 072 601 3488.

5. Sluitingsdatum: **31 Julie 2015**, diensaanvaarding so spoedig moontlik na ooreenkoms.

## [TERUG NA INHOUD](#)

### VAKATURE – TENTMAKERSPOS, NG VERKEERDEVLEI:

Enige gelegitimeerde leraar, insluitend emeriti van die NG Kerk is welkom om aansoek te doen. Vergoeding en diensure is onderhandelbaar wanneer die diensoorkoms opgestel word - 'n ruim pastorie is beskikbaar.

Verkeerdevlei is sowat 75 kilometer vanaf Bloemfontein geleë. Die gemeente bestaan uit ongeveer 100 lidmate, waarvan die meerderheid ouer as 50 is. Daar is omtrent 15 (voorskools tot graad 9) kinders in die kategesegroep. Hulle is 'n familie-grootte gemeente wat soos hul leuse dit stel, graag "in Jesus se Voetspore", wil volg. Hulle sien met entoesiasme uit na die volgende fase in die gemeente se pad saam met God.

**Aansoeke kan tot Vrydag 31 Julie 2015 per e-pos gestuur word aan [bornmanrita@gmail.com](mailto:bornmanrita@gmail.com).**

Vir meer inligting of enige navrae, kontak vir Rita Bornman (saakgelastigde) @ 083 242 9242, of vir Koos Viviers (hoofouderling) @ 082 375 7933.

## [TERUG NA INHOUD](#)

### VAKATURE MEDELERAAR - NG GEMEENTE PELLISSIER, BLOEMFONTEIN:



Pellissier is 'n vernuwende, dinamiese, makrogemeente in die suid-weste van Bloemfontein wat ongeveer 5 400 lidmate bedien. Alle belangstellende leraars, wat hulle tuis sal voel in 'n gemeente wat daarin poog om relevant kerk te wees in 'n snel veranderende omgewing, word hiermee uitgenooi om aansoek te doen vir dié pos.

**LERAARSPROFIEL:** Die geskikte kandidaat is 'n dinamiese gelegitimeerde met bedieningservaring (verkieslik nie ouer as 45 nie), iemand wat hou van kreatiewe eredienste en wat oor goeie kommunikasievaardighede beskik, maklik in spanverband kan saamwerk, goeie pastorale vaardighede het en oor sterk leierseienskappe beskik.

#### FOKUSAREAS VAN DIE POS:

- Alle fasette van gemeentewerk
- Spesifiek verantwoordelik wees vir die gemeente se omgegroebediening

**VERGOEDING:** Onderhandelbaar volgens die riglyne van die Vrystaat Sinode.

**AANSOEKE:** E-pos jou CV na [ngk@ngkerkpellissier.co.za](mailto:ngk@ngkerkpellissier.co.za) (indien jy jou MBTI-profiel of enige ander gedragstyl-analise laat doen het, heg asseblief die profiel aan).

Indien jy deel vorm van die kortlys, sal jy gekontak word vir 'n gestruktureerde keuringsproses, wat 'n onderhoud op 'n datum, tyd en plek soos deur die keuringspaneel bepaal, insluit.

**SLUITINGSDATUM:** Vrydag 4 September 2015.

**NAVRAE KAN GERIG WORD AAN:** Charles James (Spanleier), 082 322 5484, of [charlesjames@vodamail.co.za](mailto:charlesjames@vodamail.co.za)

## [TERUG NA INHOUD](#)

